

D. F.

ANNOTATIONES
JURIS FEUDALIS
AD
LUCUBRATIONES J. R.
EXERCITATIO PRIMA
DE
ORIGINE FEU-
DORUM,

Quam

PRÆSIDE

D. BARTHOL. LEONHARDO
SVENDENDÖRFFERO,

Juris Antecessore,

Publice defendendam suscipit

CHRISTIANUS LUDOVICUS STIGLITZ,
Lipsiensis,

In Auditorio Juridico Lipsiensi

Die 2. Septembr. MDCXCVII.

LIPSIÆ,

Excudebat CHRISTIANUS SCHOLVINUS.







CAPUT I.
DE ORIGINE FEUDORUM.

S U M M A R I A.

- I. Jus Feudorum est antiquissimum, & observantia introductum.
- II. Nativitas Feudorum.
- III. Occasio & Causa Feudorum instituendorum.
- IV. Initia Feudorum olim erant valde tenuia.

§. I.

IUS Feudorum consuetudinarium; antiquissimum esse, & observantia & moribus primitus introductum, id inter omnes convenit, Feudista ipso attestante. I. F. t. 1 §. 1. confer. t. 28. 2. F. t. 26. & textus alios passim.

P RIMITUS INTRODUCTUM :) *Juris Feudalis*
*introduc*tio s. origo ad exemplum Juris Civilis Ro-
 mani vel *Naturalis* est vel *Civilis*, hæc ut & *externa* est
 existentia, quæ dependet a tempore, quo Jus Feudale
 initium & progressum habuit, Origo *naturalis* quæ etiam *inter-*
na appellari potest, dependet a Causis & principiis, ex quibus
 Jus Feudale constat. Suntque vel *Communia* vel *Propria*.
Principia Communia seu *Ascrititia* sunt principia Philosophica,
 tam Theoretica quam Practica, *Principia Propria* & *Peculiaris*
 sunt vel *Remota* vel *Propinqua*, Remota sunt tum Jus Naturæ,
 tum Jus Gentium (non quidem *positive* ac *præceptive*, sed *nega-*
sive ac *reductive*, quod recte rationi non repugnet, sed cum ea
 conveniat, exinde tamen firmiter inferri nequit, quod feuda
 originem trahant ex Jure Gentium, nec illationem secundare
 potest vel Feudorum receptio, vel contractuum a Jure Gen-
 tium dependentium circa feudorum constitutionem adhibitio.
 Receptio namque & approbatio præsupponit negotii jam jam in-
 troduci existentiam, contractuum autem usus sicuti ad feudi
 introductionem nihil contribuit, sed eorum saltem translationi
 inservit, ita actum qui per eos promovetur, non facit Juris
 Gentium. §. pen. *J. de Jur. pers.* Godofr. Anthon. *disp. feud.*
 1. §. 1. *Lit. C.*) tum Jus civile Romanum. 2. *F. 1.* Proxima sunt
 Jura Feudalia de feudis specialiter constituta, quorum cogni-
 tionem ad verum intellectum requirit *Juris feudalis Scientia* seu
Jurisprudencia (: de ejus existentia ideo non est dubitandum,
 quod detur Jus Feudale, 2. *Feud. 1.* quod requirit non modo re-
 ctam interpretationem, verum etiam dextram applicationem,
 item quod dentur Juris Feudalis Periti, 2. *f. 1.* qui a Jurispruden-
 tia vel periti dicuntur, & sine ejus habitu esse nequeunt, :) *Estque*
prudencia non publica sed privata Jus Feudale recte interpre-
tandi & ad negotia feudalia dextre accommodandi. Quæ di-
 viditur in tres partes, *Finem*, *Subjectum* & *Media*. Finis cillin-
 gui poterit in *Finem internum* & *externum*, ita ut finis internus
 sit vera Juris Feudalis Interpretatio Doctrinalis, quæ est vel *De-*
clarativa. vel *Extensiva* vel *Restrictiva*, *Declarativa* est pro-
 pria.

pria sensus expositio. *Extensiva* est Juris Feudalis ob rationis identitatem ad casum non expressum productio. 2. *F.* 54. *Restri-*
ctiva est verborum Juris feudalis generalium ad casum specialem limitatio. *Finis externus generalis* est salutis publicæ ex feudis oriundæ promotio. *Finis specialis* est *Justitia feudalis*, quæ Jus suum cuique circa causam feudalem competens tribuit. *Sub-*
jectum Jurisprudentiæ Feudalis est vel *Inhabsonis* vel *Operationis*. *Sub-*
jectum Inhabsonis est Juris Feudalis Peritus. 2. *Feud.* 1. *Sub-*
jectum Operationis seu *Objectum* adæquatum ac principale sunt negotia feudalia ad Justitiam feudalem conformanda & ad civilem beatitudinem dirigenda, 2. *F.* 1. *Media* sunt Juris competentis cognitio, & Juris cogniti obtinendi ratio.

§. 11.

De nativitate vero Feudorum, & ad quod tempus ista referenda, non una est interpretum sententia. Quidam primam Feudorum causam ad prædia tributaria & stipendiaria referunt. *Lucas de Penna.* Quidam Feuda cum ipso genere humano prodisse autumant. *Niel. init. Disp. Feud.* Alii aliter. *vid. D. Struv. in Syntagm. Jur. Feud. c. 1, th. 3. n. 8.* Si veritati propius accedere liceat, interesse putarim, an de Origine Feudorum, an vero de primitiis Juris Feudalis moveatur quæstio? Feuda Gentibus Germanicis suos debere Natales rectior Grotii, *lib. 2 de jure belli & pacis, c. 7. num. 21.* fere opinio, quam datis rationibus sequitur. *Dn. Struv. Syntagm. Jur. Feud. d. c. aphor. 3.*

num. 1. & 2. Quamvis de Gothis merito dissentiam, cum Giphanio, *de Feud. Jur. c. 2.* Dn. Zieglero, *in annot ad Grot. d. c.* Jus autem Feudale, quod Corpori Juris hodie insertum, ex consuetudinibus Longobardorum, qui circa annum Christi 568. Imperante Justino ex Germania Italiam profecti, ejus partem quæ Longobardia vel Lombardia audit, occuparunt, & ibi moribus Feudalibus, ut in Patria, usi fuerunt, quos tunc temporis Gentes Viciniores imitatae & secutæ sunt *Hunn. Tr. Feud. c. 1. de orig. Feudi. Motin. in Consuet. Paris. t. 1. num. 6.* prodire cœpit. Id quod & frequens Legum Longobardicarum in Jure Feudali mentio. *2. Ft. 1. Et. 39.* & vocabula ipsa, usui Feudorum inservientia, arguunt. *Hotom. in Disp. Feud. c. 3.* Hinc quid de illorum opinione, qui Feuda ex Jure Romanorum proinanasse judicant, statuendum, ex se etiam liquet, cum secundum Feudistam Jus Feudale legibus Romanis sit contrarium, & nihil in illis de eo cautum, *d. t. 1. Duar. in Comment consuet. Feud. c. 3. num. 4.* His Consuetudinibus accesserunt Constitutiones nonnullæ Imperatorum, veluti Conradi II.
1. Feud.

1. *Feud. l. 1. 2. F. t. 34. § 40. Heinrici III. 2 F. t. 37.*
 Lotharii III. vel rectius II 2. *F. t. 52. § Friderici I.*
 2. *Feud. l. 27. 53. 55. § 56. & Pontificum, videlicet*
 Urbani. 1. *F. t. 6.* Compilatores harum
 Consuetudinum Longobardicarum non in-
 cpte dixerim Gerhardum Nigrum & Ober-
 tum de Otto, (Consules Mediolanenses,
Otho Frising. 2. de rebus gestis Friderici) ex
 ipsis illis conjecturis, quas honorem incerto
 vindicans auctori, assert Dn. Struvius. *d. c. aph. s.*
n. 2. De moribus vero Feudalibus Saxonis &
 Suevicis incertum magis fateor Collectorem
 cum eodem Dn. Struvio, *d. l. n. 5.*

Ad pradia tributaria & stipendiaria.) Ut ab his causa Feu-
 dorum prima repetitur, hoc obstat, quod pradia ista solis conce-
 debantur militibus, & quidem non sub fidei, sed stipendii vel tri-
 buti praestatione, eumque in finem, ut sint in possessorum pleno
 dominio. *§. 41. J. de R. d.* quod cum feudi natura non convenit.
2. F. 6. 7. 8. §. fin.

Niellius.) Hic disput. *Jur. Feud. l. 1. 16. r.* in eccl. initia
 feudorum deducere conatur a prima Monarchia, eumque in fi-
 nem adducit textum ex 1. *F. 1. §. 1.* ubi feudum refertur ad tem-
 pus antiquissimum, & ex 2. *F. 52.* ubi Feuda ad vires Imperii au-
 gendas facere asseritur, tum ex *Cap. 14. vers. 2. 8. 11. & seqq.*
Genf. sicuti autem necesse non est, ut tempus antiquissimum
 sumatur absolute pro tempore plane ac simpliciter antiquo, sed
 commode intelligi poterit de tempore, quo feuda introducta
 sunt, & respectu temporis posterioris ac subsequenteris, quo, nec
 non respectu compilatoris Juris Feudalis omnino est antiquius.
Birchius ad Consuetud. Feud. lib. 1. Tit. 1. §. 2. pag. 27. ita in 2.
feud.

feud. 32. Imperator Lotharius non loquitur de Imperio in genere, multo minus de imperio antiquo, sed de Imperio suo Romano scil. In textu ex *Cap. 14. vers. 2. & seqq.* allegato Genes. Fit quidem mentio subjectionis, sed hanc non importat feudi recognitionis, & illa potest esse vel ex tributi præstatione, vel ex alia causa. Schreæter in *arb. feud. disp. 1. tb. 7. pag. 9.*

ALII ALITER:) Alii deducunt feudorum originem a Romanorum clientelis, ideo, quoniam vassallus vocatur clientulus. *2. Feud. 10. 2. feud. 13.* cum tamen ab appellatione & nomine nihil inferri possit, præsertim cum inter eos quibus nomen est commune, intercedat notissima differentia seu diversitas, quæ in hoc consistit, quod clientes Romani prædia sua non habuerint a Patronis, sed pleno Jure retinuerint. Molinæus in *Consuet. Paris. tit. 1. num. 12.* Alii ab agris in limitibus imperii Romani sitis & militibus assignatis, sed tamen pleno Jure & non pro fide, quod cum natura feudorum non convenit; Alii a militibus Romanis, quæ tamen erant functiones, in quibus quis sine fidelitatis & servitiolorum præstatione certam præstaret operam. Alii ab hominibus, qui Jure civili dicuntur procuratores, actores, &c. hi tamen erant bonam partem servilis conditionis, tenebantque possessionem non propter fidem & onera militæ; sed ob pensionem & administrationem. Alii denique a Carolo Magno, sine tamen sufficienti ratione, cum ex historiis constet, quod ante eum jam in usu feuda fuerint, ejusque avus Carolus Martellus decimas ecclesiarum consensu Papæ Zachariæ militibus Anno 712, in feudum de Jereis; accedit, quod Caroli Magni in Consuetudinibus feudalibus plane nulla fit mentio, quæ tamen respectu aliorum Imperatorum, qui aliquid in hoc genere constituerunt, a Compileratoribus non fuit omissa Finkelth. *disp. feud. 1. contr. 5.*

LONGOBARDORUM.) Hi communiter appellantur vel a longis ac prolixis tonsis *harbis*, quas aluisse dicuntur quasi longo barbi, vel a longis hastis & cuspidibus, quibus usi fuerunt, quæ tamen derivatio ideo non est agnoscenda, quia facit ex Latino & Germano unam vocem, deinde

ex disconvenientia in literis, verbum enim *Hard* scribitur vel per *P.* durum: Longobardi autem scribuntur per *B.* molle, verissimilis ergo ea est sententia, qua Longobardi nomen accepisse statuuntur a Germanico *Lange Börd*, apud Saxones enim *Börd*, nihil aliud est quam *Bau Erde*, & hinc Longobardi dicuntur quasi *Lange Börder*, quia fuerunt incolæ territorii & loci qui dictus *Lange Börd*, id enim est extra dubium Longobardos relictâ sede patria Pannoniam & Austriam occupasse, & postea una cum Saxonibus Italiz regnum invasisse, idque post occupatas plures urbes ultra seculum possedisse, a Latinis dicti fuere *Bar-di*, quod tamen non ita accipiendum, ac si fuerint. Longobardi seu stulti ac tardi, istam enim significationem præter alia non admittit notissimus versiculus:

Geni astuta, sagax, prudens, industria solers,

Provida consilio, Legum Jurisque perita.

Winkelman in not. veter. Saxo: Westphal. Cap. 3, num. 22. & seqq.

ARGUUNT.) Huic argumento & rationi non obstat, quod feudum derivetur a *fide*, 2 *f. 3.* quod est nomen Latinum & non Longobardicum, distinguendum enim inter *veram derivationem*, & inter *allusionem*, deinde distinguendum inter *rem ipsam*, & inter *rei nomen*, feudum enim antea dictum fuit *foede* vel *feod*, postea latine dici coepit feudum. Struv. *Synt. Jur. feud. c. 2. aph. 1. num. 3.*

CONTRARIUM. Contrarietas vel potius Inter Jus feudale & Romanas Leges diversitas, (ob diversa enim subiecta & objecta desunt veræ oppositionis requisiti:) non est *absoluta* & *indefinita*, sed *respectiva*, & pertinet tantum ad consuetudinum feudalium decisionem ex consuetudinum feudalium tenore expressa desumenda. Consuetudine autem feudali ejusque interpretatione deficiente etiam ex Legibus Romanis, & rationibus Juris Civilis controversiæ feudalis decisio peti potest 2. *f. 1. ibique Bittsch. notab. 2. & 3.*

ACCESSERUNT CONSTITUTIONES.) Exque tam innominatæ 2. *F. 86.* quam nominatæ, 2. *F. 1. 27. 30. 40. 52.*

& 57. quarum accessione neque Jus Feudale consuetudinarium fuit mutatum in scriptum, neque Imperatorum Constitutiones assumpserunt naturam consuetudinis: Istud ideo, quoniam accessio non habet vim expressæ sanctionis vel promulgationis, qua demum consuetudo tanquam Jus non scriptum transformatur in Jus scriptum. Accedit, tum quod ista accessio facta non sit publica, sed privata autoritate, tum quod in Constitutionibus adjunctis contineatur non Juris feudalis antiqui & consuetudinarii expressa confirmatio, sed ut plurimum ejus abrogatio & Juris novi introductio; Hec propterea, quoniam accessio est nudum accedens, adeoque Jus accedens intrinsecus non afficit: præterea Jus scriptum, cujus species sunt Constitutiones Imperatoriar. §. 3. *J. de J. N. G. & civ.* ita comparatum non est, ut ob promulgationem expressam transformari possit in Jus consuetudinarium, quod non uno actu uti Jus scriptum, sed per actus plures & longum tempus introducitur. §. 9. *J. de J. N. G. & civil. l. 32. 33. 35. ff. & leg. l. l. C. que sit long. Consuetud.* Non obstat, quod Constitutiones Imperatorum sint pars consuetudinum feudaliū, & cum his totum constituent adeoque ejus sint naturæ. §. 8. *in fin. Inst. de fideic. hered. l. 76. ff. d. R. V.* Sicuti enim distinguendum inter partem integram principalem, & inter minus principalem & accessorium, ita regula: quod Juris est de toto idem Juris est de parte, tunc demum procedit, quando eadem est totius ac partis ratio, Everhard. *in Loc. Legal. Loc. 8. num. 7.* quæ hic deficit, hinc ulterius distinguendum inter partem homogeneam seu similem & inter partem heterogeneam seu dissimilem, non illam, sed hanc constituunt Constitutiones Imperatoriæ quoad Jus feudale consuetudinarium seu consuetudines feudales, quibus indigitatur compilatio, quæ varia de feudis Jura constituta comprehendit, nihil movet, quod Constitutiones Imperatoriæ libris feudorum privata autoritate fuerint insertæ, hoc ipso enim cum auctoritatem non habeant ab ipsa insertione privatim facta, sed a sanctione publica, prior natura ac forma in aliam ac diversam non fuit transformata: nec obstat denique quod Lex Romuli de potestate patria lata. Dionysius

sua Halicarnass, lib. 2. *antiquitat. Roman. Cap. 27.* & sic Jus scriptum mutatum fuerit in Jus non scriptum, moribusque Jus potestatis patriæ receptum dicitur. *L. 8. pr. ff. de his qui sui l. alien. Jur.* distingvendum enim inter Jus scriptum *talē subsistens*, & inter Jus scriptum expresse vel tacite *abrogatum*. Lex Romuli de patriæ potestate quamdiu talis, qualis lata fuit, permansit, Jus scriptum esse non desit, quod tamen factum post exactos Reges per Legem Tribunitiam, qua omnes Leges Regiæ fuerunt abrogatæ. *L. 2. §. 3. ff. de orig. Jur.* ex his quædam tamen successive per usum revocatæ ac receptæ.

LOTHARII III. VEL RECTIUS II) Utrumque tamen recte, cum Lotharius Secundus dicatur tertius, si scilicet, inter numerum Imperatorum simul referatur Lotharius, Hugonis filius, qui post extinctam stirpem Carolinum titulum Imperatoris in Italia sibi arrogavit, dictusque Lotharius. II. Struv. in *Syns. Jur. Feud. Cap. 1. apb. 5. num. 3.* quo attento tolerari potest superscriptio tituli § 2. 2. *feudor.* quæ mentem facit Lotharii Tertii, qui tamen omisso Lothario putativo adu tertino, quem vocat Molin. in *Commentar. ad Consuetud. Paris. tit. 19. num. 33.* & seqq. fuit Secundus, & hic etiam pro authore *tit. 1. feud.* est agnoscendus. non obstante, quod Constitutio feudalis promulgata dicatur tempore Eugenii Papæ, qui & quidem nemine secundus sedit, cum Lotharius primus a patre Ludovico Pio non solum Rex Italiæ declaratus, sed etiam in societatem Imperii fuit assumptus. Sicut enim tam in *tit. 52. 2. f.* ita etiam in *tit. 19. 1. f.* error est commissus, & vox Eugenii pro Innocentio est posita, quæ error exinde constat, quod Imperatoris Lotharii III. vel II. Synchronos non fuerit Eugenius, sed Innocentius Secundus, his accedit, quod non modo nullum aliud promulgatæ a Lothario I. feudalis constitutionis extat testimonium vel indicium, sed etiam constitutio de successione feudali in *tit. 19. f. 1.* contenta autorem habet Imperatorem ducentis annis p. st. Lotharium Primum electum Conradum nimirum Secundum, *f. 1. §. 2.* ab hoc ergo primum introductum non potest dici ab ejus antecessore ante annos ducentos constitutum, bene tamen a successore,

qualis fuit Lothar. III. Confirmatum. Bifsch. *ad tit. 19. 2. f. pr. no-
tab. 6.* & feqq. adeoque nulla urget neceffitas, ut cum Godofredo
Antonio *diff. feudal. 1. tb. 1. Lit.* ftatuatur Conradum conftitu-
tiones Lotharii Primi & confirmaffe, & ad alias perfonas pro-
duxiffe.

URBANI) & quidem Secundi, qui contemporaneum
habuit Imperatorem, Henricum IV. & Anti - Cæfarem Herman-
num Lüzelburgium, de cujus decreto (ac concludo Synodi Piacen-
tinz Anno 1095, facto inque *Canone alienationes 37. Caus. 12.
qu. 3.* extare, non tamen fine contradiftione præfupponitur.
Alvarottus in *Comment. ad Confvet. feudal. Lib. 1. tit. 6. num. 2.*
De quo decreto quæftio movetur, *an habendum fit pro Jure fcri-
pto*, an non, quod fi confideretur tempus fæctionis & adjunctio-
nis ob autoritatem & poteftatem a Pontifice tunc temporis ufitatam
& agnitam non poteft non dici Scriptum, hodie autem valet non
ex præfcripto Pontificis, fed quatenus cum aliis decretis Papali-
bus & decretalibus ufu receptum, & hoc modo referendum eft ad
Jus feudale non Scriptum.

NON INEPTI.) Idem quoque cum Cujacio ad *Libr.
1. feud. in pr. pag. 1. Molin. Comment. ad Confvet. parif. tit.
num 46.* Finkelth. *diff. feud. 1. Controv. 1.* dicit ac defendit,
argumentis tamen parum plaufibilibus; allegatio enim fen-
tentiz Gerhardi & Oberti non neceffario includit compilationem,
cujus approbationem nec infcriptio *tit. 1. feud. 2.* movet, nec ufus
feudi expofitio, nec etiam libelli mentio *2. f. 1. & 2. & 2. f. 24. §. 2.*
verf. illud tamen. Sicuti enim in Digestis Ulpiani, Pauli et alio-
rum Ictorum referuntur opiniones, qui tamen pro Digestorum
Compilatoribus non habentur. Rüdinger in *method. Univers.
Jur. Feud. Cap. 1. num. 19.* ita non constat de infcriptionis Au-
tore, & Juris expofitio multum differt a Juris Compilatione, li-
belli autem conceptio includit & quamlibet fcripturam. *L. 1. §. 4.
ff. de appell.* & obfervationum feudalium annotationem, quæ ab
Oberto collectam compilatorem adhibuiffe, negandum non eft,
interim pro fententia facit contrarium, quod Gerhardi & Oberti
autoritas ac fententia in Jure feudali non modo allegetur ac lau-
detur

detur , 2. f. 25. 2. f. 34. §. 1. *in fin.* 2. f. 36. sed etiam nonnunquam improbetur ac refutetur, 1. f. 13 2. f. 51. sui ipsius autem laudatio ac refutatio de libri compositi Autore non præsумitur, quod autem ista facta fuerit a tertio, qui Gerhardi & Oberti sententias recitaverit ac refutaverit, dicitur quidem, sed non probatur, adeoque Compilator Consuetudinum feudalium statuendus est Autor incertus, qui eas privata autoritate ex variis prudentum, & in specie Gerardi Nigri Capagisti & Oberti de orto observationibus & annotationibus collegit. Schöter *in arb. feud. disp. 1 propof. 8. in addit. pag. 11. & seqq.*

§. III.

Occasio & causa Feudorum instituentorum fuisse videtur, ut essent beneficia militaria, per quæ Principes beneficiarios ad servitia bellica sibi adjungerent, & beneficiarii dehinc haberent, unde se honeste sustentare possent. Quo etiam Carolus Magnus Imperator quondam procul dubio spectavit. cum Nobiles Germanos, subactis Saxonibus, ita alloqueretur: Ite milites mei, vos Heroës vocabimini, Socii Regum; Judices criminum, vivite post hac laboris expertes, consulite Regibus pubillos nomine, favete orphanis, juvate pupilio, consilio circumdate Principes, ab his victum & vestitum & stipendium petite: Si quis negaverit, inglorius infamisque esto; Si quis injuriam vobis in-

tulerit, reum se Majestatis agnoscat. Vos autem cavete, ne tantum decus, tantumque privilegium justo bellorum labore partum, aut ebrietatis, aut scurrilitatis, aut aliquovis vitio maculetis, ne quod largimur vobis ad gloriam, redundet ad pœnam, quam de vobis sumendam, si forte excesseritis, Nobis & successoribus nostris, Romanorum regibus, perpetuo reservamus. *Christianus Matthie in Theatr. Hist. Theor. Pract. p. 824.* Sic Vasalli sapius milites in libris Feudorum nuncupantur; *I. Et. 21. 22. 23.* quamvis hodie Feuda ad alia quodque honesta officia in pace obcunda concedantur. *Rittersh. part. Feud. lib. I. c. I. n. 4.*

CAUSA FEUDORUM?) Causa allegata non tam est causa præcedens ac impulsiva, quam futura ac finalis, cum qua etiam concurrit tum retributio ac compensatio operarum in bello præstitarum ac præstandarum, tum honor ac salus Imperii 2. f. 52. tum rerum ad oblationem feudalem invitatio. *Seruv. Syntagm. Juris Feudal. c. 1. aph. 3. n. 3. 57.*

6. IV.

Ad Feudorum originem hoc etiam spectat, quod initia eorum valde tenuia fuerint. Antiquissimo enim tempore in potestate Dominorum erat, ut quando vellent, Feuda revocare possent; Deinde temporis tractu, per annum

annum tantum valere: Tertio ad vitam usque Vasalli producebantur, & morte ejus expirabant; Quarto ad filium Vasalli, quem Dominus eligebat; Quinto ad omnes Vasalli filios æqualiter; Sexto ad Nepotes ex filio perveniebant; Septimo Frater Fratri quoque in Feudo succedebat; Octavo cæteri Collaterales usque ad septimum gradum, hodie in infinitum; Et Nono denique descendentes Masculi in infinitum; quod nunc usque in diem observatur. 1. *F. t. 1. §. 1. 2. 3. 4. 2. F. t. 50.* vide tamen infra de Feudo antiquo & novo.

Et tantum de origine Juris
Feudalis.



COROL-

COROLLARIA.

Datur adhuc Jus Publicum Romanum.

Jus Publicum differt a Politica.

Jus Publicum in Academiis explicare licet.

Juris Publici explicatio spectat ad solos Jure Consultos.

